

(Yabna jaffer abur-raza) x3 Abur-Raza

(Ya musa-e-kazim) x2

Tu saathwa mushkil khusha, noor-e-janaab-e-sayyeda

(Ya musa-e-kazim) x2

Tera baba imam-e-sadiq hai

Jiske dam se hai jafferi sare

Deen-o-mazhab sabak ibadat ke

Ham ko saye usi ke dar se mile

Tu saathwa mushkil khusha noor-e-janaab -e-sayyeda (Ya musa-e- kazim) x2

Hai qaramat-e-murtaza tujme

Saailon ke liye ye ata tujme

Rad jo hoti nahi kisi surat

Saas leti hai wo dua tujme

Tu saathwa mushkil khusha noor-e-janaab-e-sayyeda

(Almadad maula raza) x2

Tera beta imam-e-zamin hai

Jiske qabze mei raat hai din hai

Wo khurasaan ka hai shehzada

Har shifa uske dar pe mumkin hai

Tu saathwa mushkil khusha noor-e-janaab -e-sayyeda (Ya musa-e- kazim) x2

Teri dukhtar hai qum ki shehzadi

Uski chowkat pe de sada jo bhi

Joliyaa apni bhar ke laata hai

Ghamse milti hai usko aazaadi

Tu saathwa mushkil khusha noor-e-janaab -e-sayyeda (Ya musa-e- kazim) x2

Tere taboot ki wo tanhaayi

Na tha beta ghareeb na bhaayi

Chand mazboor aye ujrat par

Lash raste se tere utwaayi

Tu saathwa mushkil khusha noor-e-janaab -e-sayyeda (Ya musa-e- kazim) x2

Hai Najaf dushmano ke narghe mei
Karbala samara ke raste me
Bekafan momino ke laashe hai
Kufr dakhil huwa Madine mei
Tu saathwa mushkil khusha noor-e-janaab -e-sayyeda (Ya musa-e- kazim) x2

Maula tu bhi dar-e-hawaaij hai
Tera sikka jahaan raa'ij hai
Ham to har imtihaan se guzrenge
Dene wala tuhi nata'ij hai
Tu saathwa mushkil khusha noor-e-janaab -e-sayyeda (Ya musa-e- kazim) x2

Tu bhi "Rehan" istighahsa kar
Kehke ya Musa ya bin-e-Jaffer
Nauha goyi karu qayama tak
Aur ghulaami karu dar-e-shah par
Tu saathwa mushkil khusha noor-e-janaab -e-sayyeda (Ya musa-e- kazim) x2

(Yabn-e-Jaffer abur-Raza)x2 Abur-Raza